



SKUPŠTINA KANTONA SARAJEVO
Služba za skupštinske poslove

Broj: 01-05-25657/06
Sarajevo, 12.09. 2006.godine

VLADA KANTONA SARAJEVO

OVDJE

JAVNA USTANOVA "DOM ZA ZAŠTITU STARIH LICA" SARAJEVO		
PRIMLJENO: 19.09.06.		
ORGANIZACIONA JEDINICA	KLASIFIKACIONA OZNAKA	REDNI BROJ
		1938/19359

Dostavljamo Vam Odluku o osnivanju Kantonalne Javne ustanove «Gerontološki centar», koju je donijela Skupština Kantona Sarajevo na sjednici od 01.09.2006. godine.

DOSTAVLJENO:

1. Predsjedavajuća SKS
2. Zamjenik predsjedavajuće – Miro Lazović
3. Zamjenik predsjedavajuće – Dragan Ivanović
4. Sekretar SKS
5. Ministarstvo za rad, socijalnu politiku, raseljena lica i izbjeglice
6. KJU» Gerontološki centar» Aleja Bosne Srebrne 7
7. Za objavu u «SNKS»
8. Sekretar Vlade KS
9. Dokumentacija sjednice
10. Arhivi

SEKRETAR

Abid Kolasinac



Na osnovu čl. 12.stav 1. tačka j, 13.stav 1. tačka e i 18.stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 71. i 90. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03 i 2/06), Skupština Kantona Sarajevo je, na sjednici od 01.9. 2006. godine, donijela

O D L U K U
O OSNIVANJU KANTONALNE JAVNE USTANOVE
"GERONTOLOŠKI CENTAR"

Član 1.

(Osnivač i status ustanove)

(1) Kanton Sarajevo (u daljem tekstu: Osnivač) osniva Kantonalnu javnu ustanovu "Gerontološki centar" (u daljem tekstu: Gerontološki centar).

(2) Gerontološki centar ima svojstvo pravnog lica, koje stiče upisom u sudski registar kod Kantonalnog suda u Sarajevu.

Član 2.

(Naziv i sjedište ustanove)

(1) Naziv ustanove je: Kantonalna javna ustanova "Gerontološki centar".

(2) Sjedište Gerontološkog centra je u Sarajevu, ulica Aleja Bosne Srebrene broj 7.

Član 3.

(Djelatnost i organizacione jedinice)

(1) Gerontološki centar je javna ustanova koja se teorijski i praktično bavi problemima starenja i starosti, te u tom smislu pruža starim, hronično bolesnim, invalidnim, iznemoglim i drugim osobama, socijalne, zdravstvene i servisne usluge primjenom institucionalnih i vaninstitucionalnih oblika zaštite.

(2) U Gerontološkom centru se planiraju i provode stručni poslovi rehabilitacije, resocijalizacije i reintegracije korisnika usluga i preduzimaju mjere organizacije što kvalitetnijeg života u starosti.

(3) Poslovi i zadaci u okviru Gerontološkog centra se obavljaju u okviru organizacionih jedinica, kako slijedi:

- a) Dom za zaštitu starih osoba,
- b) Služba za edukaciju, plan i analizu.

(4) Organizacione jedinice Gerontološkog centra nemaju svojstvo pravnog lica.

Član 4.

(Dijelovi organizacione jedinice)

U okviru Doma za zaštitu starih lica mogu se organizovati:

- a) Centar za dnevni boravak,
- b) Služba kućne njege i pomoći u kući,
- c) Prihvatilište za odrasle i stare,
- d) Prihvatilište za skitnice i prosjake.

Član 5.

(Šifra djelatnosti)

(1) Šifra djelatnosti Gerontološkog centra određena je prema Odluci o standardnoj klasifikaciji djelatnosti ("Službene novine Federacije BiH", br. 28/98, 36/98 i 47/98) i glasi:

- (2) 85.3185.310 Socijalna zaštita u ustanovama sa smještajem
- (3) 85.323 Ostale djelatnosti socijalne zaštite, bez smještaja.

Član 6.
(Način promjene djelatnosti)

Gerontološki centar može proširiti ili promijeniti djelatnost iz člana 5. ove odluke, o čemu odluku donosi Osnivač.

Član 7.
(Sredstva za osnivanje i odgovornosti u pravnom prometu)

(1) Objekti i oprema koje je Gerontološki centar preuzeo od RO Centar za zaštitu punoljetnih lica Sarajevo su svojina osnivača.

(2) Gerontološki centar je takođe preuzeo prava i obaveze RO Centar za zaštitu punoljetnih lica Sarajevo.

(3) Za svoje obaveze Gerontološki centar odgovara svom svojom imovinom – potpuna odgovornost.

(4) Osnivač Gerontološkog centra je odgovoran za obaveze ove ustanove do visine osnivačkog uloga.

Član 8.
(Izvori i način obezbjeđenja sredstava)

(1) Sredstva za rad Gerontološkog centra obezbjeđuju se iz:

- a) Budžeta Kantona Sarajevo,
- b) ličnog učešća korisnika,
- c) donacija,
- d) drugih izvora, u skladu sa zakonom.

Član 9.
(Način raspolaganja viškom prihoda)

Višak prihoda nad rashodima Gerontološki centar će koristiti za unapređenje, obnavljanje i razvoj djelatnosti.

Član 10.
(Odgovornost i obaveze ustanove prema Osnivaču)

(1) Gerontološki centar je odgovoran Osnivaču za rezultate svog rada i djelovanja u svim oblastima za koje je nadležan.

(2) Obaveze Gerontološkog centra prema Osnivaču su da:

- a) pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom),
- b) da jedanput godišnje Osnivaču podnosi izvještaj o poslovanju ustanove,
- c) druge obaveze utvrđene zakonom.

Član 11.
(Organ upravljanja i način imenovanja)

(1) Organ upravljanja u Gerontološkom centru je Upravni odbor.

(2) Predsjednika i članove Upravnog odbora imenuje i razrješava Vlada Kantona Sarajevo u skladu sa zakonom i podzakonskim aktima.

(3) Upravni odbor se sastoji od pet članova od kojih se, u pravilu, jedan član imenuje iz reda stručnih zaposlenika ustanove.

(4) Predsjednik i članovi Upravnog odbora imenuju se na period od četiri godine i mogu biti ponovo imenovani.

(5) Direktor ustanove ne može biti član Upravnog odbora.

Član 12.

(Način razrješenja organa upravljanja)

Vlada Kantona Sarajevo može razriješiti predsjednika i članove Upravnog odbora i prije vremena na koje su imenovani u skladu sa zakonom.

Član 13.

(Usklađivanje opštih akata)

Upravni odbor je obavezan da u roku od 30 dana od dana stupanja na snagu ove odluke uskladi opšte akte ustanove sa odredbama ove odluke, zakonom i podzakonskim aktima.

Član 14.

(Saglasnosti na akte)

Saglasnost na osnovni opšti akt Pravila, kao i opšti akt kojima se uređuju plaće, organizacija rada, druga važna pitanja između zaposlenika i poslodavca, kao i organizacija i sistematizacija poslova Gerontološkog centra daje Ministarstvo za rad, socijalnu politiku, raseljena lica i izbjeglice Kantona Sarajevo.

Član 15.

(Organ rukovođenja i način imenovanja)

(1) Organ rukovođenja u Gerontološkom centru je direktor.

(2) Direktora imenuje Upravni odbor na osnovu javnog konkursa, uz saglasnost Vlade Kantona Sarajevo.

(3) Uslovi za imenovanje direktora utvrđuju se u Pravilima ustanove u skladu sa zakonom.

Član 16.

(Vršilac dužnosti direktora)

(1) U periodu do imenovanja direktora, poslove predstavljanja i zastupanja Gerontološkog centra će obavljati vršilac dužnosti direktora, kojeg imenuje Upravni odbor.

(2) Vršilac dužnosti direktora ima sva prava i dužnosti koje po zakonu ima direktor.

(3) Vršilac dužnosti direktora može rukovoditi Gerontološkim centrom do imenovanja direktora, a najduže 6 mjeseci, od dana njegovog imenovanja.

(4) Upravni odbor je dužan imenovati direktora u roku od 60 dana od dana imenovanja Upravnog odbora.

Član 17.

(Organ kontrole poslovanja)

(1) Organ kontrole poslovanja Gerontološkog centra je Nadzorni odbor koji se sastoji od tri člana.

(2) Predsjednika i članove Nadzornog odbora imenuje i razrješava Vlada Kantona Sarajevo, u skladu sa važećim zakonskim propisima.

(3) Jedan član Nadzornog odbora se imenuje, u pravilu, iz reda stručnih zaposlenika ustanove.

Član 18.
(Nadzor nad radom ustanove)

Nadzor nad zakonitošću rada Gerontološkog centra vrši Ministarstvo za rad, socijalnu politiku, raseljena lica i izbjeglice Kantona Sarajevo.

Član 19.
(Upis u sudski registar)

Na osnovu ove odluke izvršiće se, na zahtjev ovlaštenog lica, promjena upisa ustanove u sudski registar.

Član 20.
(Prelazna odredba)

(1) Organ rukovođenja, upravljanja i nadzora i lica izabrana u te organe nastavljaju sa radom do isteka vremena na koje su imenovani.

(2) Gerontološki centar nastavlja sa radom po odredbama ove odluke i preuzima zaposlenike koji nastavljaju sa statusom koji su do sada imali, sredstva, opremu, arhivu i dokumentaciju, sredstva za rad, finasijska prava i obaveze ove ustanove.


Član 21.
(Završna odredba)

Stupanjem na snagu ove odluke prestaje da važi Odluka o preuzimanju prava osnivača Javne ustanove "Dom za zaštitu starih lica" Sarajevo („Službene novine Grada Sarajeva“, broj 9/92) i Odluka o preuzimanju prava osnivača Javne ustanove "Dom za zaštitu starih lica" Sarajevo („Službene novine Kantona Sarajevo“, broj 11/97).

Član 22.
(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj:01-05-25657/06
01.9.2006. godine
SARAJEVO



PREDSJEDAVAJUĆA
SKUPŠTINA KANTONA SARAJEVO

Melina Alić, prof.